

## **Бақара сураси, 268-оят**

15:28 / 01.05.2018 3938

**Шайтон сизга фақирликни ваъда қиладир ва фаҳш ишларга буюрадир. Аллоҳ сизга Ўзидан мағфират ва фазлни ваъда қиладир. Ва Аллоҳ қамрови кенгдир, ўта билувчиидир. Бақара 268.**

Шайтон бандаларни «Молингдан садақа қилсанг, фақир-камбағал бўлиб қоласан», – деб қўрқитади. Ҳамда у кишиларни фаҳшга – ёмон, гуноҳ ишларга, қизғанчиқликка, баҳиллик ва молу дунёга ўч бўлишга буюради. Шайтоннинг гапига кирганлар фақирликдан қўрқиб, баҳил бўлиб, Аллоҳнинг йўлида садақа қилмай юраверадилар.

**«Аллоҳ сизга Ўзидан мағфират ва фазлни ваъда қиладир».**

Ким Аллоҳнинг йўлида садақа қилса, У Зот унинг гуноҳларини мағфират қиласди ва бунинг устига, Ўзидан фазл ҳам беради.

**«Ва Аллоҳ қамрови кенгдир, ўта билувчиидир».**

Яъни Аллоҳ кенг қамровли, билувчи Зотдир.

Кенг қамровлилиги туфайли бандаларига ҳам кенг ризқлар беради. Ўзининг йўлида садақа қилганларнинг ризқини яна ҳам кенг қилиб қўяди. Билувчилик сифати билан, ким садақа қиляпти ва ким қилмаяпти – ҳаммасини билади.